

# Powšitkowne WOZJEWJENJA

njedźelu, 23. nowembra 2025

## Nyšpor k jubilejej při swjatołětnym pomniku

Składnostnje poswjećenja pomnika swjateju Cyrila a Metoda pola Stróžišća před 25 lěta přeprošuje mějicel, Towarstwo Cyrila a Metoda z.t. (TCM), wěriwych ze wšěch wosadow na nyšpor na tutym městnje. Wón budže na swjedženju Chrysta Krala, tutu njedźelu, 23. nowembra, w 14.00 hodź. Po tym su wšitcy na swačinu do Smochčanskeho kubłanišća swjateho Bena přeprošeni.

## Chrysta krala w Chrósćicach

Na zhromadny nyšpor je dekanatna młodžina tež lětsa na swjedženju Chrysta Krala, njedźelu, 23. nowembra, do Chrósćic prošena. Započatk je w 14.00 hodź. z nyšporom w cyrkwi. Přizamknje so přednošk Wjenkec Haliny a Chrystofera wo teologii mandželstwa z wosobinskim swědčenjom.

## Koncert w klósterskej cyrkwi

Komorny chór nota bene leipzig pod nawodom profesora Martina Krumbiegela wuhotuje njedźelu, 23. nowembra, w 17.00 hodź. koncert w klósterskej cyrkwi w Pančicach-Kukowje. Zaklinča mjez druhim twórba „Musicalische Exequien“ Heinricha Schützka kaž tež kruchi dalšich komponistow 17. do 21. lěstotka. Zastup je darmotny, wo dary proša.

## Zetkanje samostejacych

Samostejacy ze serbskich wosadow su na swoje lětuše poslednje zetkanje wutoru, 2. decembra, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 25. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjesje. Štóž chce wotewzaty być, njech to prošu zdžěli.

## Přednošk ke kulturnemu herbstwu

„Přichod serbskeho kulturneho herbstwa. Što je a čehodla trjebamy digitalny kulturny register?“ rěka hesło přednoška štwórtk, 27. nowembra, w 19.00 hodź. w Serbskim muzeju na Budyskim hrodze, na kotryž přeprošuje Serbski institut. Referenća budu mjez druhim toho direktor profesor dr. Hauke Bartels kaž tež dr. Robert Lorenc, etnologa při Serbskim instituće.

## Koncert w Hejnicach

Projektowy chór pod nawodom cyrkwinskohudźbného direktora Friedemanna Böhme předstaji sobotu, 29. nowembra, w Hejničanskej cyrkwi Marije domawopytanja hodowny oratorij Johanna Sebastiana Bacha. Započatk je w 17.00 hodź. Zastupne lisćiki dóstanu zajimcy při tamnišej klósterskej recepciji.

## Kulturna zyma w putniskej hospodze

Monika Gerdesowa zarjadowuje w swojej putniskej hospodze w Chrósćicach w přichodnych měsacach zaso tak mjenowanu kulturnu zymu. Zarjadowanja za džěci a dorosćenych w serbskej a němskej rěči wotměja so wot soboty, 29. nowembra, do soboty, 7. februara, nimale tydžensce. Na přem wječoru su wot 18.00 do 18.30 hodź. džěci přeprošene na bajku słuchać. W 19.45 hodź. přizamknje so knižne čitanje za dorosćenych pod hesłom „Z Prahi do Palestiny“ z Friedrichom Pollackom a Michałom Nukom. Přehlad wšitkich zarjadowanjow je w interneće wozjewjeny. Wotkaz na to nańdu zajimcy pod [www.posol.de](http://www.posol.de).

## Hodowna pakćikowa akcija

Towarstwo swjateje Filomeny z.t. chce tež lětsa zaso džěci a swójby w maćerno-džěćacym domje w čěskim Dolním Podluží kaž tež w botharskim Razgradze a wokolnych wsach z hodownymi pakćikami zwjeselić. Wobsah pakćikow njeje předpisany. Wone móža na přikład kakaw, słódkosće, hrajkki abo pisanske materialije wobsahować. Trjebanu drastu a črije lětsa njehromadza. Pakćiki kaž tež počehnjenja a hygieniske artikule zběraja wot pónđzele do štwórtka, 1. do 4. decembra, a to wšědnje wot 17.00 do 18.00 hodź. w Smjerdžečanskim kulturnym domje. Spomóżne by było, by-li pakćik nalěpk měł, za koho je mysleny, na přikład za holcu 14 do 16 lět, za hólca 0 do 4 lět abo za swójbu. Z pjenježnymi darami maja so přenjořadnje transportne kóšty narunać. Zdobom chcedza z tym socialne zarjadnistwa podpěrać. Kwitowanku za pjenježne dary towarstwo po přeću wustaji. Daše informacije poda Gerat Róbl w Smjerdžacej pod telefonowym čisłom (01 72) 7 94 75 22.

## Modlenje w Róžeńće

Na modlenje před Najswjećišim su wěriwi sobotu, 6. decembra, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

## Džělowe městno pola Katolskeho Posoła

Towarstwo Cyrila a Metoda z.t. pyta wosobu, kotraž by wot 1. januara 2026 redakciski team Katolskeho Posoła zesylowała. Njejedna so wo přidatne džělowe městno, ale wosoba sej džělowe městno ze sobudželaćerku džěli. Džělowy čas wučinja 20 hodźin wob tydžerj. Wuměňjenja za přistajenje su nimo wuznaća k wěrje a wučbje romsko-katolskeje cyrkwy wotzamknjene powołanske wukubłanje, zakładne znajomosće na polu katolskeje nabožiny, jara dobre znajomosće serbskeje rěče, stawiznow a kultury, po móžnosći znajomosće rěče, stawiznow a kultury druhich słowjanskich krajow, znajomosće na polu žurnalizma, sadžby (Adobe InDesign), we wobdžěłanju wobrazow (Adobe Photoshop), programow Microsoft Office kaž tež FinanzManagera respektiwne zwólniwosć, sej tole w krótkim času přiswojić. Wukonjeć maja so tohorunja z pomocu kompjuterowych programow zarjadniske nadawki. Mzda płaći so po tarifowym zrěčenju za zjawnostnu službu (TVöD). Zajimcy měli so hač do pónđzele, 1. decembra, pola Towarstwa Cyrila a Metoda z.t., Póstowe naměsto 2, 02625 Budyšin, abo na mailowu adresu [TCM@Posol.de](mailto:TCM@Posol.de) pisomnje wo městno požadać. Tam zhonja tohorunja nadrobnosće.

## Adwentne popołdnjo w Drježdžanach

Serbske ekumeniske adwentne popołdnjo w Drježdžanach budže sobotu, 29. nowembra, w rumnosćach při cyrkwi swjateho Hubertusa na Běłym jelenju, Am Hochwald 2, 01324 Drježdžany. Započatk je z nyšporom w 15.00 hodź. Přizamknjetej so bjesada a swačina. Zdobom předstaji Smolerjec kniharnja wuběr svojich wudaćow.